

春
在
堂
詩
編

丁辛編

春在堂詩編五

德清俞樾

丁巳春大梁公讌卽席有贈

璽書萬里下金城爲念東南未罷兵此輩么麼原小醜
我

朝絳灌卽書生風前燄影朝臨陣雪裏刀光夜斫營聽
話從前鏖戰事江淮草木早知名

虎節新從塞外旋遊蹤遠過漢張騫人行戈壁渾如海
春到伊犁別有天城大園林能占地上甘瓜果不論錢
相期盡掃鯨鯢後更闢新疆萬頃田

旗鼓中原再建牙
恩恩歲酒出京華
三軍聚拜邊菩薩
一戰生擒陳夜叉
裘帶風流人盡看
弓刀嚴肅士無譁
將軍何幸從天下
自此蒼生望更奢

不才幸得接餘光
良夜叨陪酒一觴
此日軍容嚴細柳
昔年詞采豔長楊
人間韜略傳金版
天上圖書共玉堂
歌詠昇平吾輩事
待公長劍掃貪狼

櫬於去年十一月疏請以鄭公孫儵從祀

文廟并以孟皮配享 崇聖祠

詔下部議從之茲因檄行所屬府州并係以詩

驅車過溱洧有懷東里賢惟鄭介兩大玉帛難周旋治

外先治內要使根本堅寬猛適相濟火烈何傷焉孔子
昔至鄭事之如兄虔流涕哀其死遺愛今猶傳固與蘧
大夫聖意同拳拳竝許爲君子其道夫何偏今觀東西
廡春秋陳豆籩有蘧無公孫祀典猶未全使者敬入告
廷議僉曰然

詔增從祀位位在林放前東廡瑗居首西廡僑爲先祖
豆從此定萬古無能遷

崇祀齊國公始自嘉靖時

宋祥符二年封叔梁紇爲齊國公明嘉靖十年立啟聖祠

祀我

朝監前代乃立崇聖祠褒封其五世一例陳尊彝獨念

我孔子有兄曰孟皮孟皮未配享於禮猶有遺先人客

覃懷乎定兩卷詩實始發此議洵足千秋垂

先大夫綱

雪軒詩集有覃懷游草兩卷皆客懷慶時作中有詠古

成章

其第二首爲孟皮未與配享而發也懋此奏蓋敬

志云

於今二十年荏苒星霜移不才秉使節問俗來嵩

伊敬本先臣意稽首陳

丹墀

詔下所司議議者無參差自此春秋祭俎豆及伯尼旣
符萬世公亦慰一已私遺編重展讀風木增淒其

淮甯童子張家釗年八歲文雖無足觀而能成篇
因年太幼故未錄取記之以詩

古有張童子而今復見之呼名胥吏笑執卷祖孫隨祖

張裴然年五十九亦應試律已通虛字書纔讀幼儀雲程畱有待莫

憾采片遲

西華縣文童蕭麟德年十四府縣試皆第一予試

之文詩字均可觀因亦置第一以勵髦士

如此年華舞勺纔居然下筆少塵埃連穿楊葉真無敵

未賦梨花已是魁賓館傳看欣得士封章偶及爲麟才

予奏報考試情蓬萊更有三山在能否都登絕頂來

謁太昊伏羲氏陵

太昊當年此建都遺墟榛莽未全蕪史公不立三皇紀

邵子偏傳八卦圖但覺神明終古在休疑封樹後人誣
使臣敬向陵前拜分得靈蓍一束枯

時蓍草尚未生因于郡守處乞得枯

者百莖

澠池懷古

趙爲秦鼓箏秦爲趙擊缶爲趙擊缶秦所醜大呼太史
來歲月紀某某一時意氣遂千秋今日豐碑畱道右鳴
呼一士之得失兩國之雌雄曾有一曹沫手劍遂足要
桓公漢有一樊噲卮酒遂足驚重瞳可憐宋襄公盟楚
乃見執可憐楚懷王入秦終不出當時左右豈無人碌
碌不堪資緩急我行渡澠水感此聊停車司馬犬子解

作封禪書智勇安得如和如

我行河陝間一首紀所見

我行河陝間山山半是土一徑纔通車兩旁若環堵何
年煩巨靈於此施鑿斧我意三代前建國此無數昨土
而分茅傳之歷年所如鳥愛其巢綢繆到牖戶爰乃因
地勢而以人力補欲求七密安不辭畚揭苦易稱古王
公設險守其宇此卽所設險藉以禦外侮春秋書築郿
傳者強訓詰區分邑與都於義實無取書築蓋非城因
地爲險阻自從車戰廢戎馬遂莫禦古人設險處因而
廢不舉徒令穴居民借以蔽風雨書生喜鑿空頗亦非

葬鹵爲高因上陵此語傳自古

謁關壯繆墓

祁連高築勢峻嶒靈爽千秋此式憑朽骨應憐魏疑冢
忠魂猶傍漢原陵墓碑直與尼山埒

墓稱關林與孔林同祀典頻

邀

聖代增甯得佳城壯河嶽永教四海震威棱

予視學中州偶因人言而罷漫賦四章

雲煙過眼了無痕歸臥鄉山好杜門萬事是非憑吏議
一官去就總

君恩須知浮世原如夢莫怪流言太不根軒冕山林皆

是寄雪泥陳迹更休論

使臣兩載此停車奉職何容計毀譽竟使流傳成市虎
或因明察到淵魚性剛自覺逢時拙識短難辭慮患疏
聖主如天無不照莫將咄咄向空書

頻年雞肋戀微名猿鶴應疑負舊盟白簡忽催人解組
青山早勸我歸耕版輿安穩迎慈母治譜循良讓阿兄
更喜山妻詩句好朝冠卸後一身輕

內子句

歸期未定且徘徊草草移居又一回

時移居私寓

奴輩好隨

新主去兒曹仍挾故書來短檠三尺貧猶在敝帚千金
願已灰從此江湖安我拙休將舊籍問蓬萊

放言

東坡在元祐文章天下雄發策試館職乃受盈廷攻以爲大不敬譏諷及祖宗宣仁雖不問羣論猶洶洶竟以此請外不復畱朝中後來葛文康名勝仲發策同此意其

時政和間文字多禁忌言者竟無人晏然保名位乃知人多言亦是命所致磨蝎坐命宮欲避無所避然而葛與蘇千秋孰軒輊葛事見岳珂程史

蘭坡方伯與梁屬題宋刻蘇帖

蘭坡以宋刻蘇帖三卷示余云得之都門市上乃宋乾道五年汪聖錫應辰刻於成都西樓下者原刻三

十卷然陳眉公刻晚香樓蘇帖已云成都汪刻不可復見則散失久矣此帖雖止十之一然的係宋刻可寶也因題數語而歸之

東坡先生文章雄書法亦爲千秋宗黨銅愈甚名愈崇寸縑尺紙鼎與鐘端明學士官蜀中妙選美石精磨礪末附跋語黃涪翁卅卷光照川西東西樓遺址俄蒿蓬眉公搜訪嗟無從殘鱗腹中偶一逢得之何異圭璧琮蘭坡方伯今坡公羅列環燕評纖穠獨於此帖情所鍾偶出示我吳下蒙我讀公文慕其風中年憂患頗與同雪泥春夢俱恩恩惟媿夙欠臨池功鸚哥吉了難爲工

虛將書髓摹文忠

蘭坡又以錢武肅王鐵券揭本見示自元明來題跋者數十家亦可觀也爲賦四律

五代干戈際惟王智勇全奇兵屯八百神弩挽三千歐史殊難據蘇碑自足傳至今畱鐵券題詠徧名賢

偶因披此冊軼事憶當初威懾羅平鳥恩寬使宅魚壁間畱雅詠陌上駐香車草莽英雄輩風流總不如

何況名流筆元明至我

朝幾人徵野史

題跋自危太樸以下二十一人其中尚有無可考者一卷出僧寮

舊爲大舟和尙所藏亦吾浙詩僧也

金石有時泐券文半漫雲煙未許銷

龍飛兼鳳舞奇氣倚干霄

我本家吳越彌懷舊澤長湖山自歌舞祠墓已滄桑欲
開旗常業空留翰墨香願教書萬本歸去壓輕裝

海昌查辛香冬榮亦知名士也流落梁園窮而老

矣以長歌見贈走筆和之

先生奇氣凌千秋一瓢一笠人間游頭童齒豁未得志
笑談往往輕王侯海內風騷久歇絕吾道膠落誰爲謀
莽莽軍符走赤羽森森戎幕張青油誰念天涯有三檠
蕭條雙鬢猶登樓蓬蒿太肥蘭太瘦此憾未免東皇而
君詩有云安排未免東皇欠眼前窮達姑勿論聽人呼
肥到達蒿渡到蘭卽川其意

馬兼呼牛且喜入閨有良友

君室人能詩

沽酒笑脫千金裘

不才亦作梁園客敢謂冰壺曾濯魄悠悠薄宦十年空
忽忽歸心千里迫旌節輜軒皆夢耳得失聽之何足惜
人世羣游傀儡場吾儕天付冰霜骨擬買良田可一畦
更闢小齋寬十笏著書數卷藏名山雖有三公吾不易
蹉跎虛願竟何年傾吐狂言先此夕璞中有玉各自珍
無令佗人識披褐

戊午春予自大梁旋里行有日矣賦四律述懷

梁園半載滯歸期又到鳴鳩乳燕時
薄宦歸家原草草
遂臣去

國故遲遲向來琴劍仍隨我未定雲煙且聽之天付優游閒歲月老農老圃盡堪師

回憶輶車下日邊梁園小住又三年未磨圭角難諧俗

獨抱冰心可對天初念已如矛盾反浮生更比轆轤圓

惟應不負登臨興大好龍門與百泉行部所至北谷蘇門南游伊闕皆中

州勝地也

南天烽火未銷除自笑迂疎百不如議禮偶增新俎豆

前年冬歲請以子產從祀文廟談經難闢古圖書孟皮配享崇聖祠皆如所請

秋呈進易原圖三敢期著述藏山富已媿文章報卷奉

國虛努力玉堂諸舊侶幾人頗收幾嚴徐

一笑東華夢已闌
扁舟歸去五湖寬
琴書檢點仍無幾
骨肉都盧亦足歡
擬約鄰翁同秉耒
更教兒輩試彈冠
平生自媿如鳩拙
隨意營巢到處安

留別周容齋先生

自來梁苑識蒼顏
信有神仙住世間
絕代書名李北海
先生書法冠一時
中年豪興謝東山
黃鱸跌宕交游廣
綠野封

榮歲月閑濃福清才都占盡
始知造物未曾慳

偶然示疾等維摩
數月優游勝事多
九十春光閒領略
兩三舊雨屢經過
清談仍藉毛巾令
小坐偏宜木養和
自覺天君原不病
漫將丹訣問如何

論交何敢附忘年自喜琴尊有夙緣
猶憶高軒來絡繹爲憐拙宦費周旋
九已動誰能止破甑難完尙冀全
此意蹉跎無可報祝公上壽邁彭篲

卽今南下賦歸歟萍梗江湖聽所如
故里尙愁無立壁名山敢望有傳書
擬偕妻子同耕作便與漁樵共卜居
西得先生緘素在銀鉤鐵畫照蓬廬
時攜先生書數幅歸

予發大梁顧湘坡前輩嘉蘅追送於城外并以詩

贈次韻奉酬

豈果菖蒲嗜好偏亦非香火有前緣
不才曾忝輶軒使

省識南陽太守賢

君曾奉特旨奪情三守南陽爲中州防禦門戶甚力俄被劾去官予校

士至宛士民具呈訟君宛者數十
人欲言非職愛莫能助至今媿之

有向悠悠覓賞音黃堂三度拜

恩深宛南風景今何似爪印還宜更一尋
君去官後宛南盜賊遂起

毀譽何嘗有定評聞雷倉卒頗無驚與君同入彈棊局
莫怪中間太不平

中山店題壁

輕寒輕暖稱綈袍安穩籃輿未覺勞
白飯青芻煩地主
所過州縣仍有適館授餐者深媿之
天吳紫鳳戲兒曹
自拋使節身多暇
欲試吟鞭膽未豪
時新買一騎
偶作小詩紀行役
燈前又擬

醉村醪

舟過維揚兵火之後彌望皆碎瓦頽垣荒榛蔓草
而已書此誌慨

綠楊城郭鬱蔥蔥亂後重來迴不同官道但餘春草碧
佛祠惟賸劫灰紅燒殘村落尤聲絕荒盡樓臺燕壘空
二十四橋都寂寞玉簫無復月明中

壬子入都會作金山之游至今七載矣金山寺已
燬於賊同游諸君亦半零落雲笈殉難江西及門
李簡庭叔姪先後謝世追念昔游慨然成詠

七年前向大江過坐對雲煙共嘯歌舊雨已成生死隔

名山亦自廢興多精廬剝落餘榛莽古樹摧殘賸薜蘿

欲卸蒲帆京口泊驚看戰壘尙嵯峨

鎮江城外賊壘猶存

余自大梁歸因故里無家寄居吳市率成一律寄

叩下諸故人

故里慙無一畝宮浮家依舊侶飛蓬浪傳梅福成仙尉
竊比梁鴻作寓公食字生涯還是蠹寄居蹤跡竟如蟲
雲霄舊友休相問已作江東老阿蒙

趙靜山撫部

德輅

過訪草堂賦贈

秋來寂寞掩柴荆忽聽騶呼里巷驚從者到門愁雨立
先生在坐覺風清草堂促膝無賓主茗椀談心有性情

早使吳儂傳盛事信陵車騎訪侯生

游獅子林作歌

佛伸手化五獅子偶然遊戲到吳市五百年來僵不起
至今枿然成石矣我來攝衣登其巔奇奇怪怪言難傳
五覆五反看不足九上九下游未全地既彎環學盤谷
水亦曲折成斜川可笑吾儕竟如蟻乃於九曲珠中穿
書生立論怕隨俗偏向美中求不足雖然山勢喜空靈
未免游蹤愁偪促蛇行匍匐伍出關魚貫攀援鄧入蜀
昌黎有言我能詰屈自世間何肯低頭入山腹石兄聞
而笑君言何警警米顛所見一拳耳相對必具笏與袍

何況千巖萬壑羅堂坳非止片石堪論交請君來此一
平視早已游徧東岱西華北恒南霍中崧高君曾飽看
新安大好之山水又曾驅車遠度秦函穀試向此中尋
取舊游處一丘一壑無能逃更比壺公縮地好翻笑愚
叟移山勞縱不敢下垂伯督務人足倡亦宜稍折元章
居士腰吾聞石言亦點頭凭欄啜茗不嫌久坐聽鄰寺
齋鐘鳴疑是林間獅子吼

流水禪居小坐

臨水數間屋凭欄亦快哉方塘陽燄活曲室綺疏開人
在鏡中坐魚從鳥下來平生濠濮意到此竟忘回

滄浪亭

予美昔罷官流寓來吳中僦屋住民舍炎暑憂蟲蟲尋
幽偶至此愛此一水通乃捐四萬錢買得地數弓舊本
孫氏園歲久埋蒿蓬稍稍修葺之泉清山玲瓏遂令千
載下過者懷高風嗟余一無侶敢與先生同文章與學
問不足希遺蹤如何失職歸亦來稱寓公寓廬苦逼仄
無以開心胸安得五畝地不染塵氛紅引泉作清沼營
石成奇峰所願嗟未遂寄跡仍鶩籠且復躡游屐來此
披蒙茸振衣登危亭一覽秋天空

葛賢墓

葛賢初名誠吳人也明萬厯辛丑太監孫隆以織造至蘇六門設稅吏凡負載出入必稅錢數文閭閻騷動賢以蕉扇招市人殺其參隨隆走杭得免賢詣官待罪後遇赦不死又十餘年以壽終吳人義之呼爲葛將軍葬虎丘其地卽在五人墓側近代詩家如隨園甌北皆有五人墓詩而不及葛墓因作此篇曰

五人墓畔一抔土尙有殘碑畱廢圃其人更在五人前一様英名照千古相傳有明萬厯中織造太監來孫隆六門稅吏虎而冠誅求不願閭閻空葛將軍眞鐵漢蕉扇一揮吳市亂老拳毒手各爭雄霹靂青天狐鼠竄東

身歸罪官吏愁銀鐙擲地寒颼颼男兒死耳復何恨含
笑願從要離游戴吾頭來竟不死從此義聲動吳市後
來顏馬沈楊周五人乃是聞風起我尋五人墓因至將
軍墳當時國事何紛紛赤允併更固惡俗銅山破賊真
奇黥斯人不媿稱將軍山塘七里烟波活芳草離離埋
俠骨後人倘訪五人碑無忘有此一條葛

送孫琴西同年

衣言

出守安慶卽用其癸丑年見

贈原韻

君本蓬萊仙青雲跨白鳳如何太守章

帝忽爲爾弄占易得明夷君子用莅衆

君注易至明夷卦而拜出守之

命乃駕五馬出復此一尊其嗟余寄吳市杜門讌誼閑
雲水無定居風波有餘恐投刺來故人折柬具清供痛
飲借酒杯高誦擊飯甕顧念此分手飛沙孰搏控勉子
萬里風老我一谿荊

周孝女詩

孝女姓周氏名芝字叔英仁和人贈知府雲笈大令
弟三女余長子紹萊所聘婦也雲笈署江西安義縣
殉難女聞訃痛不欲生然啟處食飲仍如平時一日
晨起盥櫛焚香其父之位前拜且哭哭已入所臥室
呼婢索茗飲母入視之側身臥牀中微覺有異呼之

則曰諸問所苦則曰無諸兄弟姊妹環問之應皆如是疑得暴疾有嫗能以按摩治人疾趣使治之女向嫗搖手示弗欲召醫未至其伯父爲切脈脈如常覆按之已無脈比醫至則氣絕矣時丙辰四月十七日距雲笈之死三月耳女卒後體仍溫和貌益腴潤側身臥如故鼻孔有物出白如絮比殮已隔宿體雖冰仍能屈伸雙目雖閉或啟視之瞳子仍瑩然也女嘗語諸姊曰人生無疾而死至不易得獨吾能之餘人無此福也前一日檢所用筆墨及其父手蹟平時所摹寫者屏當置一篋以授其兄若前知將死者亦可

異矣余前作雲笈輓詩已及此事茲得其詳因復賦

四律

饒誦離騷弔國殤琪花何意又摧傷已聞鐵杖軍前死
更痛金鑿膝下亡人去難留離母草醫來安得返魂香
一門忠孝千秋事史筆憑誰爲表揚

綠窗晨起自梳頭小坐仍隨母下樓讖語偶因諸姊露
遺書先付阿兄收麻衣一慟腸真斷玉柱雙垂體尙柔
最是分明生死際教人爭不信仙游

紫府清嚴事有因夢中姊妹宛相親雲階月地歸猶記
綠字青編識未真

女卒後其姊伯英仲英同父夢至一處父據按南面坐女西面坐女出一

紙亦兩姊不甚可辨中數人歎曹娥能殉父我知蔣妹
字稍明白曰萬事如電耳已成神獨憐吾輩風塵裏媿此須眉七尺身

往負纏紅十載前癡兒薄福竟無緣炮烙自是難爲匹
姑姊須知本是仙已悟浮生同掣電尙煩微語勸歸田
仕宦得雲笈計微謂家人曰仕途何味凡今之惟當徧
乞名流筆青石磨礮手自鐫

小游仙詩和孫丈賓華

元培韻

浪傳名字在丹臺蕙圃芝田半草萊爲語孫登休太息
嵇康龍性豈仙才

曾聽鈞天到帝廷分來藜火一燈青如何翻被羣仙笑

誤讀儒童菩薩經

琳宮小住亦前緣
鸞鶴裝鸞下九天
經過昆侖星宿海
不曾摘取一天錢

平交五嶽已多年
重向人間作斥仙
近日蓬萊風更大
不堪太乙尙漣蓮

嘉平二十日移居經史巷

泛宅浮家任所如
偶來吳下卜新居
敢爭子美滄浪席
且讀天隨笠澤書
朝籍久除無束縛
鄉山欲買尙躊躇
一椽聊借詩人屋
大好城南獨學廬
所居卽石琢堂前輩故宅有獨學廬
不才何敢望前賢
仙籍剛遲六十年
琢堂前輩爲乾隆庚戌第一入子亦

以道光庚戌入詞館或有因緣存翰墨故容嘯傲寄林泉園荒更
斷添栽竹池小還思補種蓮殊較梁家夫婦勝當年瀛
下太堪憐

摩挲碑碣手頻揩遺址重尋資硯齋

讀琢堂前輩城南老屋記知此卽何

義門先生故宅有資硯齋前輩風流吾豈及小園花木近猶佳磷峴

石骨高于屋歛豔波紋綠到階最喜數椽臨水築紅蠻

隔子早安排

眠雲精舍榭微波想見當年勝地多

眠雲精舍微波榭皆見城南老屋記

今廢欲爲名園記興廢空留老樹意婆娑百年俯仰成
昔半畝寬閑足嘯歌安得草堂資十萬重將舊迹補煙

蘿

己未春趙靜山撫部引疾歸里詩以送之

開府三吳鬢未皤乞身歸去爲微疴召公南國甘棠在

謝傅東山遠志多一品衣披堂戲綵先生二親俱在八駟車擁

里鳴珂遙知四海思霖雨未許林泉久嘯歌

不才幸得望餘光翰墨因緣未可忘已爲寒瓊開講席

承薦主雲間書院更從廣坐歎文章先生每與僚屬歎賞余相

羊花木逢公暇臨去前數日至了鳥衣冠恕我狂鵬鷃

不須分大小異時還望共翱翔

舟過練市見臨水有朱藤一株根可數抱花開裘

廣半里許真奇觀也賦詩張之

一片紫雲低不起化作繁英飛墮此舟中有客倚蓬看
驚見花光明半里此花未識栽何年老根屈曲蟠河邊
河畔居人亦好事編竹爲架相鉤連我昔此過花未有
已覺輪囷表數畝幾日春風箸意吹荒村變作繁華藪
數十人家花底排卜居得此何其佳張就紫絲千步障
鋪成軟繡一條街笑殺隋園空翦綵人間自有春光在
比佗鄧尉萬媒花此地應名紫泥海

王老人詩

老人仁和臨平人莫知其名但相呼以王大而已無

家室行乞市中迹類顛狂兩耳皆聾而聲如洪鐘亦
莫知其年余童時見之伯六十許人至今不少異然
吾平泉舅氏行年八十自言少時所見已如此則其
年殆未可意計也豈其得道不死而隱於乞者邪因
爲此詩贈之

耳聾髮禿尙童顏市上狂譌獨往還疑是洛中李元爽
憐渠未遇白香山

寄安徽學使邵汴生同年

亨豫

皇華使者政辭勞且向巖城擁節旄三月春風兵氣靜
萬山雲樹講堂高遺經待訪新安舊雅詠猶餘洛下豪

君去年典試中州絳帳諸生相望久幾時玉尺得親操

大好江山畫不作鄙人十載此登樓赤眉青犢悲新劫
白嶽黃山感昔游向秀山陽頻聽笛王猷剡水屢回舟
憑君問訊閒鷗鷺曹阮溪邊憶我不安徽學使舊駐太
州乃余舊游地也故及之

孫琴西同年以安慶守奉使過吳止余寓園旬有
餘日賦長歌贈之

今上龍飛初御極春風桃李花同色平明金殿策賢良
與予相逢始相識長安冠蓋開如雲趙瑟秦箏日日新
但覺同游多不賤誰知交臂有詩人君詩卓犖無餘子

五言往往凌蘇李送我南歸詩一篇文字論交從此始
鷗鷺江湖鳳九霄羨君聲望動詞曹瓊樓玉宇

三天上俯視不覺蓬山高帝子橫經競問字

聖人錫福親揮毫

凡編檢直

內廷者歲終亦

賜而

我還

朝亦自幸兩年玉尺中州操輿前砮磬奏鼓吹道左旂
旄羅旌旄北登蘇門南伊闕茲游足算平生豪無端輒
破不復顧歸來且向吳中住吳中獨學老人廬泉石不
多多古樹寓公得此亦復佳往事雲煙何足數攤書自
課嬌女讀得句或共老妻賦忽聞門外打門急戎容暨

暨兒童怖一笑那知舊雨來相對須眉尙如故君言五
馬來南方腰間已佩太守章太守有官不得赴皖公山
色徒青蒼大府憐我久失職姑留戎幕資助勦宵與犬
雞共鬪笠晨隨牛馬爭泥漿澄懷風景在天上下土蟻
蝨安能望行謀謝病返故里免教望遠憂高堂我掃閒
軒止君宿舊交更檢同年錄幾人邊瑣苦難歸幾輩朝
衣愁被戮去年科場案同
年有生免者何如風雨兩閒身失馬庸知
非是福但博流傳有豹皮官教辛苦添蛇足草堂寂寞
雨如絲我作長歌君和之旁人莫訝吾曹樂梨棗新刊
十卷詩君詩十卷于詩亦
十卷新刊于吳門

琴西引疾歸里復以詩貽之

聞說高堂已白頭書來苦勸早歸休
恩恩春夢收殘局

落落晨星感昔游
廿載名場同得失

君丁酉得拔貢而余亦以是年中副

榜嗣後鄉會試皆與君同年

兩家詩派異源流

余與君極相得而詩格不相近男兒

不副旗常志尙有名山一席留

天平山訪范氏先塋并拜文正祠

石骨崢嶸萬笏青山何處寫真形
危崖一綫天無路

山頂有日一綫天者

閒氣千秋地有靈
鐘鼎大名留史策
林泉勝

概壯圖經莫教樵采侵
抔土長爲三吳作典型

文正遺祠訪夕陽當年相業最堂堂
門前高弟孫明復

帳下偏裨狄武襄賊膽至今猶可破義田自昔未曾荒
先憂後樂無人識一曲空傳范履霜

姚平泉舅氏以八十生日自壽詩見示次韻二律
千秋簪述百年身瀟灑天懷久出塵意氣迴殊窮博士
姓名爭詫古賢人宛丘學舍休嫌小錦里先生不諱貧
佗日漢廷徵伏勝會看皓首拜

恩綸

優游不覺宦途難一室絃歌傍杏壇

舅氏時官上虞教諭

入世蕭

閒同出世有官恬退侶無官箸書膝下兒能讀得句閑

中婦解看

舅氏集中附有子婦沈氏和詩

媿我登堂仍未果輸佗鋒帳

衆儒冠

朱于庭先生翔鳳重赴鹿鳴宴以詩爲壽

笙簧重賦鹿鳴篇鳩杖扶來望佶仙自是詩人宜太守

有旨加

儘容後輩認同年五星恰聚鳴珂里

時於江蘇省垣

知府銜

舉行鹿鳴宴十月欣逢造榜天

因借用晉浙貢院

試問嫦娥

應省識惟添鶴髮照瓊筵

龔黃治譜至今存歸臥鄉山道更尊無忌得名原伯舅

謂令母舅莊

康成絕學合傳孫月中舊織登科記吳下

新開通德門更有尙書紅杏在江南二老共承

恩

沈怡園前輩亦於今科重赴鹿鳴宴

朱伯韓前輩_琦以所著怡志堂詩集見示卽題七
言一章贈之

伯韓先生今坡公文章氣節天下雄餘事更擅風騷宗
不竹喁嘶如寒菴庸成冊府藏其胸敬爲

昭代歌成功我

朝王業基遼東伐定諸部如撥糶

真人入關藥六龍八旗健兒皆熊熊荒絕塞開螭螭
地垠天閭靡弗通侯其禕而羲軒農嘉道以來文治隆
六合內外俱喁喁海外忽起颺颺風大翼小翼千鰲幢
鬼聲飄飄碧雨瞳長江又見烽煙紅蚩尤鐵額頭顱銅

肩背毛髮垂髻髻中朝大官身鞠躬議和議撫何從容
徒令宵旰憂

深宮先生蒿目心慙慙我歌可夫聲摩空

列聖謨烈存彛鐘編纂有職臣所供作爲鐃歌被瞽矇

勿替引之期無窮楚茨之義將毋同

集中第十一卷新鐃歌四十一章

其

餘各體咸精工良由學足才識充更兼氣盛如長虹豈
止壇坫詩家崇方今

天子達四聰願得公等寄折衝與之高議雲臺中行見
江海俱銷烽吾儕伏處甘蒿蓬中興更請歌車攻

庚申二月賊陷杭州戴醇士前輩在籍殉難追念

舊事慨然有作

憶昔甲辰歲我始舉于鄉明年偕計吏妄思觀國光公
時以卿貳保直

南書房偶見我行卷激賞其文章頗思羅致之桃李充

門牆此語孰我告故人馬季常

譙馬

平生硜硜意砢石

同堅剛每恥劉彥和負書獻道旁毛雖刺上生塵甬車

前望一笑而謝之高臥元龍牀然而惓惓情至今中心

藏所感在一言豈必曾掄揚迨至歲庚戌我亦登玉堂

與公前後輩相見宜無妨而公已林下蹤跡仍參商西

湖好山水天許公倘佯聲華滿朝野翰墨傾侯王香山

老居士其樂固未央如何劫運來大盜俄披猖鄉官無
職守亦與城俱亡惟公受

恩厚一死分所當仙或借兵解鬼猶成國殤賤子獨有
慙慙舊心傍徨佗年喬公墓隻雞其無忘

賊薄蘇州余倉卒出城時四月初四日也轉展遷
徙于五月初二日渡江入越寇氛稍遠聊復息肩
途中得四絕句紀事

爲愛園林柳五株等閒未卽去姑蘇

余所寓石氏五柳園以有柳五株故

名如何一夕倉皇甚驚聽林間叫鷓鴣

寶帶橋邊正夕曛回看紅燄已連雲可憐一炬姑蘇火

知是兵烽是寇氛

仙人潭水好停舟位置琴尊一小樓偏有夢中人告語

僅堪半月此句留余有薄業在新市遂往依之僦沈氏屋有樓數間頗足容膝弟一夕余方

就枕若有人于耳畔告曰此地可居半月耳後卒符其語亦可異也

浙西烽火苦相催故里荒蕪半草萊欲乞鑑湖吾豈敢
一帆聊復渡江來

腳划船

小舟如葉一夫坐船尾以足運槳划之往來如飛謂
之腳划船舊止越中有之今則徧江浙矣余避地越
中偶一坐之戲作此詩

文人能以腳捉筆健兒能以足踢弩天生四體本相資
手或無功以足補越中扁舟小似葉船尾長年力如虎
其力在足不在手其具用槳不用觥屈伸有若雞上距
高下渾如螭動股五指化作獅子王一足跳學商羊舞
翩然來去浪花中真覺扶搖如一羽我因避地坐此舟
未免終朝偃且僂昔時巨艦張旌旗今日輕舸走風雨
自來齊物學莊生大小雖殊何足數獨念盜賊正跳梁
莽莽東南無樂土中流擊楫彼何人伏處烏蓬慙不武

七星巖

何年巨靈此一擘擘破頑青現空碧何人於此搆僧廬

巧借青山爲四壁并無屋上三重茅但有空中一片石
疑從仙島割煙鬟移到禪房充翠帟盈盈綠水尤可愛
杲杲炎光不能赤吾來耽舄坐雲根更復攜杯飲瓊液
興酣長嘯凌清風步自山腰到山脊飛閣嵯峨而水成
精廬窈窕依巖闕扶竹爲欄未覺危仿丹作屋何嫌窄
古來勝地豈有常蘭亭已矣空陳迹惜哉今無王右軍
坐對林泉虛有癖佗年倘話越中勝請以茲巖告游客

上虞學舍拜平泉舅氏遺像感賦二律

不坐春風又七年此來空拜影堂前人將菩薩呼邊鐫
上虞人呼舅氏爲姚菩薩天以儒官老鄭虔身後畱貽無長物夢中

省識有前緣

舅氏未赶上虞任時夢游一山及至虞游仙姑洞宛然如所夢也

仙姑洞

口憑誰問何處仙龕住樂天

大患無如我有身知公久已倦風塵

舅氏臨歿前十餘日有書寄樵引老

于曰人之大蟬蚸楚楚名場幻蟻蝨紛紛劫里卽世

患在我有身大蟬蚸楚楚名場幻蟻蝨紛紛劫里

舅氏自偶然游

樵

考終原是福浮生游戲本非真

贈了緣

羊曇在猶是拖泥帶水人

了緣者平泉舅氏之舊僕張林也余昔在京師亦嘗

相從後仍歸舅氏侍舅氏于上虞學舍者年餘忽一

日辭去入蘿巖山居僧寺長齋奉佛儼然老僧但未

削髮耳聞余至上虞因來余寓年已六十六矣撫今
思昔爲之悵然乃以詩贈之了緣其新更名也

苧袍葛屨誰氏子兩鬢霜毛垂及耳蹙然曳踵登吾堂
姓名余亦幾忘矣徘徊認取舊時容面目雖非音尙同
昔年鯽淵青衣僕今日龍鍾白髮翁廿載流光去如電
人間何事堪留戀天上巢痕轉瞬空雪中爪印隨處變
吾舅清閑老一瓊西州重過淚潸然見說新阡將行草
那教舊僕不華顛自言領略枯禪味耐得僧廚蔬筍氣
看破塵緣號了緣本來無物原無累蘿巖山下少人行
一月飄然一入城愧我俗緣殊未了至今還是此浮生

出上虞縣城西南行可十里許有鳳鳴山山有仙
姑洞東漢時有仙女蔡鸞至此故名兩旁峭壁千
仞其左石罅中有瀑布飛流注山澗聲如怒雷頗
有奇致因成一律紀游

自從仙子蔡鸞至長使千秋勝境開暑月飛泉歎作雪
晴空絕壑激成雷僧樓突兀雲中出樵徑崎嶇木末來
我亦偷閒剛半日山光樹影足徘徊

感事四首

海上軍容盛火荼名王自領黑雲都獨當淝水心原壯
一失街亭勢已孤九地藏兵狐善搢重洋傳檄難驅

遙知此夕甘泉望早見烽煙照大沽

鬱鬱三山次第開離宮別殿留蓬萊累朝制度周靈囿
每歲巡游漢山臺海外熈帆來絡繹雲中鳳闕失崔嵬
昆明湖畔波如鏡猶望春風玉輦來

漢代和戎計策疎重煩俱帳大鴻臚天吳紫鳳真兒戲
清酒黃龍是誓書式璧齊廷聘鷁鷁擊鐘魯國饗鷁鷁
幾時竿上垂明月釣取吞舟海大魚

先朝講武舊圍場蕭瑟秋風塞外涼早望羽車迴谷口
漫勞石鼓刻岐陽飛黃一去清塵遠凝碧重來法曲荒
賸有開元朝士在讀唐詩筆賦連昌

辛酉春門下士朱伯申

福榮

將之甬上以詩送之

酒氣成龍劍氣虹如君豈久困蒿蓬銷磨圭角隨流俗
顛到英雄任化工三載門前來立雪一朝江上去乘風
男兒遭際尋常事都在窮途失意中

次戴子高

望

韻卽送其之閩

戴望富經術卓卓後來彥伏處蒿廬中長譌傲軒冕耿
介耽孤行闊疏恥獨善年始髫髻時出語驚里閭稍長
能文詞下筆頗兀岬一室坐呻吟刺股血流肝彊識人
不如剽竊吾知兔文章本六經雕蟲古所賤昌黎日月
光豈識世有段由來經術尊擯棄何足患奈何窮巷士

坎軻發長歎庸知一卷書榮或逾南面行矣之八閩所

學慎無變化年海外歸待子定學校

子高嘗有志定國朝學校故云

平泉舅氏弟二女子曰仲蘭與室人季蘭兄弟也

適德清戴羹叔純乃先祖母戴太恭人之姪孫早

寡歸依母氏恒往來余家余眷屬入都亦嘗偕焉

後因奉侍病母不復從今聞其歿於臨平以詩哀

之

平生無姊妹獨有外家親宴笑閨門內提攜總角辰仲

姬尤婉婉小戴更彬彬自破臺邊鏡仍充掌上珍劇隣

萱草病苦耐菜根貧

持長齋二十餘年矣萊婦分同氣譚私託舊

姻每推中表誼不厭往來頻冷寒朝同守寒衣夜代紉
主張兒棗栗陪侍母昏晨憶昔東湖住相依秋復春隣
余常落魄何日出風塵迨後京華去相隨舟與輪憐余
仍薄宦未足活枯鱗梁苑鶯花富樊樓燈火新嬌兒增
色澤病婦長精神歲暮輶車歇宵深麴部陳曜瑜排舞
席梁欒振歌脣忽念牽蘿屋猶餘倚竹人艱難同骨肉
歡樂異關津往事何須說浮生總不真我仍窮落寞君
已病吟呻徐淑能詩女陶嬰早寡身危根寄萍梗苦節
勵松筠半體先疑死雙眉久未伸熒熒惟白屋擾擾又
黃巾身世一無箸存亡兩亦均庸知泉下樂不愈世途

屯永謝棘荆累長辭薑桂辛魂應棲淨土名待刻貞珉

大勝飄零客秋風臥海濱

時余避兵上虞之槎浦

賊至臨平焚燒殆盡此余釣游舊地也聞之喟然

有作

昔聞臨平湖其名見吳志越至晉武時石鼓出其地南宋都臨安門戶此焉寄勝迹安平泉古剎明因寺于今數十年居民頗鱗次吾家烏巾山敞廬守先世因從舅氏居乃就簷尹筮策云利用遷一椽租吏隸是年曰潛灘余生甫四歲竹馬與鳩車羣兒共嬉戲抱書赴冬學貰酒修春禊童時所釣游不與故鄉異今雖走四方舊

事吾猶記無端大劫來一炬無焦類孫氏宰相家崔盧
好門第吾嘗此讀書樓前兩樹桂西偏屋一區壞牆蒙
薜荔是吾舊所居風雨于此庇題曰印雪軒太鶴山人
字印雪軒額爲青田端木舍人而今盡焦土無復積垣
蔽念自亂離來四海俱鼎沸名都與大邑白日走魑魅
何況此彈丸黑子真可譬大官專城居兵力足自衛坐
看三日火不爲發一騎獨我感昔游憮然不能置阡陌
與市塵歷歷在夢寐如何轉瞬間惟賸山光翠佗年更
訪舊何處黃公肆已矣勿復言空使人憔悴平生無一
事不等空花墜舊巢隨處掃流水逐年逝茫茫窮海濱

偶作匏瓜繫莫教撫銅狄更灑新亭涕

文宗顯皇帝挽詞

寶籙初凝命袞庭望治平續旒天沕穆袞鉞聖聰明史
識求言詔朝縣進善旌其傳新政好歌舞徧寰瀛

軒帝垂衣日蚩尤作亂年徒聞舞干戚未見洗戈鋌德
被鴻難化威行鱷未遷中興諸將帥何以對皇天

去歲蒼梧狩鑾輿遂不同秋風吹塞草落日照宮槐

歸

元子經綸仗衆材流言無管蔡何必待風雷

下土一蟣蝨曾充侍從臣端門蒙首選宣室荷垂詢未

有涓埃報徒餘老大身鼎湖龍去後望斷屬車塵

賊陷紹興與余所寓槎浦相距甚近因避居海上
草舍中賦此識慨

武侯昔未遇抱刳茅廬中誓我豈其人伏處同寒蟲偶
因避寇亂來此滄海東一廛那可得全家寄牛宮其上
片瓦無其旁四壁空但有三重茅不足避雨風顧念曩
所居峻宇高垣墉門前置闌錡壁上銜金釭畫堂玳瑁
梁密室玻璃窗于今盡陳迹變滅浮雲同平生學齊物
頗到任化工我以為鳥吾因巢于叢化我以為魚吾
因游于江必存今昔見無乃猶兒童獨憐海天外尙見

烽烟紅未必此一隅遂無戎馬蹤咄咄魯仲連何地足
自容

火輪船

吾聞宋楊太其舟始川輪如何轉運法并史所未陳自
從西人入中國雖有班輪不能測以火運輪輪運舟萬
里重洋一瞬息依依格格春雷鳴潏潏勃勃秋雲生鬼
薪辛苦誰所職佛輪微妙無由明怪哉舟重煙力輕乃
能以輕御重行紅毛鬼子坐船尾紫髯碧眼何崢嶸破
浪藥風飛鳥疾船中穩臥何其逸莫嫌深信挹婁梯居
然寬勝維摩室性命免與蛟龍爭阜攄何妨牛驥一有

時拾級試登臨上下海天同一色獨念棄楚車古人之
所羞是以蔡與許不列于春秋吾因避寇亂聊復登此
舟時坐此舟由鬼聲飄飄難與語且作長歌寄海鷗

壬戌編

春在堂詩編六

德清俞樾

壬戌春自上海附海船至天津發吳淞口因成一
律

故園寇盜尙縱橫盡室飄零賦北征且與魚龍同曼衍
未勞魍魎便逢迎兵間杜老妻孥在海外坡公笠屐輕
慙媿乘風行萬里年來憂患減豪情

黃沙歌

出吳淞口數百里海水忽黃舟人云此名黃沙乃黃
河中泥沙隨流入海其勢甚猛不能遽消因成此色

亦奇觀也賦此以記所見

昔人探河源云從火敦腦兒始我行未至昆侖虛未識
河源何處是乃從海撥一登臨不見河源見河委前日
吳淞口昨日清水洋無端滄海中燦爛成奇光布金非
舍衛搏土無媧皇是何海中沙有若琉璃黃舟人爲我
言此乃黃河入海之故迹海色與天光上下同一碧黃
河千里百里奔騰來其勢不能遽與海爲一遂令海底
皆黃沙萬丈光芒映朝日始信河爲四瀆雄入海猶難
渝本質烏乎龍門穿鑿神禹功送之入海事已終誰從
海外尋其蹤昔人未見我及見眼眴洵足千秋空豈比

東方曼倩紫泥海徒將譎語欺兒童

黑水洋

舟過黑水洋漫漫不可極渾沌六百里四望同一黑怪
哉水與天上下成異色無乃黑水之餘波奔流入海尙
可識又疑上帝斬黑龍流血千年消不得倘教剖蚌定
元珠若令生魚盡烏賊噫熾陋儒坐守一室中黑漆屏
風寫月蝕設來此地一登臨能無萬怪生胸臆書生高
歌獨有神萬丈光芒照海國滔滔濁浪遠連天止當硯
池一泓墨

舟行遇西北風遂任風東行距高麗國不千里矣

賦此記游

我舟西北行乃遇西北風謂宜投海島稍稍避其鋒紅
毛鬼子意氣雄御風而行聲蓬蓬登艫一望淼無際但
見朝暾射我雙眸紅云距高麗不千里其地已在山海
關之東我聞高句驪箕子之遺封國人重文學弦誦何
斷容乾嘉以來經術崇魯壁汲冢搜求空古書往往出
其地文字頗足訂異同我倘乘桴竟一至良亦快吾嗜
古之心胸旁有估客聞而笑此行雖憊吾願從高麗紙
與高麗布捆載而來利亦豐

將抵大沽忽遇颶風又漂流竟夕始得少息詩以

紀事

連日苦風逆從者咸已痛今朝大稱意高挂十幅蒲舟
人來我告明旦達大沽同舟盡相慶勞酒將同酌無端
暴風作不暇占銅烏但覺萬斛舟輕若波中梟忽而挺
然立如欲登天衢忽而陡然落如將趨尾閭大桅高百
尺飄搖同葭葦舟中所有物走若盤中珠怒浪排空來
疑有神人驅大起復大落壓我舳舻失勢倘一跌性
命真須臾同舟盡失色崩角相號呼人力無可恃但恃
神明扶繫余避寇警盡室行危途頗聞古人語忠信豚
魚孚願當勢危迫未免心憂虞不知坐何事一怒逢天

吳耿耿不成寐愁對明星孤

入都門口占

蓬山回首杳無痕重對長安酒一尊
兵火餘生隨處好雲霄故友幾人存
舊巢歷歷猶能記破甑區區未足論
海鳥避風聊一至漫勞屬目魯東門

哭孫蓮叔

海陽有雋才孫氏字蓮叔其家本素封
一鄉推右族弱冠當門戶年甫十五六
少年意氣盛未肯守邊幅換酒裘千金
買笑珠十斛玉勒控駒駘金籠養鵠鴒
博局夜呼盧毬場朝蹋踰擁貲素百萬
揮霍如土堞人生適意

耳安能長趨起是時猶承平東南未傾覆蘇杭號天堂
繁華積成俗君亦時一游錦帆張玉舳覽勝遍湖山移
情到絲竹竟夕酒樓眠累月倡家宿追我始識君君已
稍節縮回首少年場不覺頰爲顛折節事詩書自悔昔
未讀時時爲小詩天然謝雕琢所居曰霞溪構屋山之
麓高堂何嵬峩密室更屈曲綺窗明玻璃繡幕淨沙縠
有母年八十哽噎不待祝有婦稍知書倡和亦足樂楚
楚膝前兒森森階下玉人生得如此何減神仙福賤子
與論交前後十寒燠其時客新安過從不嫌數君家紅
葉樓一室署觀旭木榻爲我懸醴酒爲我漉我來輒止

此宛如梁燕熟高談泣鬼神大笑驚童僕已聞半夜鐘
猶翦一寸燭此情與此景今生詎可復男兒重知己豈
徒事微逐我時學未成轅駒苦局促而君不我鄙愛我
逾骨肉寒則授我衣食必問我欲有詩輒示我可否以
我卜送我游長安青雲爲我勛聞我登玉堂自喜所見
確識士風塵中果不負吾目嗣是稍闊疏往還惟尺牘
猶謂兩未耄舊游儻可續誰知劫運來滄海變成陸大
盜起東南無地不鋒鏃新安萬山中庶幾免荼毒如何
一丸泥未足封函谷堂堂細柳營誰樹大將纛君時竄
荒山手足盡皸瘃呻吟老母病宛轉嬌兒哭艸深宵有

虺林密砌見鵬牆低畏虎夔藩小愁羝觸一朝鼙鼓來
旌旗照林木倉卒竟安之全家死清瀆碧血土中埋白
骨山前暴古來文人禍未有如君酷顏跽竟誰司龜策
豈我告頗聞覆巢下二卵幸未贖或藉一綫延君子終
有穀顧我念今昔中腸轉慙最猶憶別君時辛亥孟秋
朔何期一分手從此不再握一僕君所薦今亦登鬼錄
惟君所贈衣雖敝仍在籠篋中有君詩頗未飽蠹腹行
當更編纂或稍加斧斲區區身後名雖有君豈覺大心
未悔禍時事日以蹙吾儕生不辰天地何踣踖念君更
自念涕淚可盈掬

蝟

夜半羣奴譁庭中得一蝟天明起視之厥狀吁可畏體
較毳兔微形比鼯鼠偉蜿蜒伏如狸蠕蠕動如蟻聲如
犬悲嗥毛如豕怒豢不知從何來俯首就羅爵頗怪北
方人畏之甚鬼鬚云此有神靈動色競相謂山來流俗
愚不惜牲牢費貓鬼爭供養烏巫大尊貴遂令此么麼
亦似有靈氣其實何能然蓋若質盤蜚不如付庖丁配
以一斗藪髦殘象白外或亦一佳味而我忽有觸搖手
謂目未猛虎在山中百獸無不避蝟能入其耳倏忽若
飛蠟是乃虎之王

蝟名虎也
見廣雅

豈宜備脯餽越王式怒蛙

謂足勵果毅方今東南盜無地不鼎沸疾走類蜚蜚被
髮若狝狝豈無介冑士俱億到屢扉談虎且色變安足
資敵愾感爾能制虎縱使就蒿蔚區區式蛙意願以告
軍尉

閏八月十五夜對月有作

咸豐元年閏八月吾家猶住臨平湖是歲吾年三十一
已忝著作承明廬同治元年閏八月全家浮海來丁沽
行年四十又加二回思往事堪長吁碧幢紅旆號使者
青鞵布韞稱田夫鶴汀鳬渚弄風月牛關豕苙愁泥塗
吹竹彈絲樂賓客擬金伐鼓驚妻孥錦纜牙樯導津吏

江嶽海嶽擢天吳止此一十二年內烟雲起滅何事無
天上玉堂日已遠鏡中朱顏日以枯朝東莫西身碌碌
左高右下心轆轤到手黃金揮卽盡當頭白日俄已徂
頗怪長安諸故舊謂我貌比當年腴將無學道果有得
不於世味分薺荼今宵對月試一問可能故吾如今吾

甲子元旦試筆

坐守粃盆倦卽眠醒來紅日滿窗前喜逢甲子上元歲
應是干戈大定年下澤消搖宜我輩中興圖畫有諸賢
未衰定不天涯老猶許歸耕負郭田

入都遣嫁弟二女口占

記授唐詩在膝前
鬢髮短髮正垂肩
而今送汝于歸去
還似嬌癡上學年

草草陋裝愧未豐
本來寒素是家風
一枚竹筍無多物
荒我研經兩月功

向平婚嫁幾時休
今日才教一願酬
自笑眞同食都蔗
要從末後到前頭

余兩子未娶長女未嫁茲所遣嫁者最小之女也

采衣好去拜尊親
冰泮良辰喜及春
只我芒屨疏嬾甚
爲兒重踏六街塵

花陰補讀圖爲朱久香前輩題

先生早歲登玉堂
一封輶傳游荆襄
黃頭裴尾手自定

詞人之稱無低昂偶然繪此圖一幅雜花滿庭書滿牀
隱囊紗帽隨意坐一編口誦聲琅琅中年偶向東山臥
仍借六籍爲笙簧卽今復起秉英蕩皖公山色看青蒼
忽對舊圖長太息故園徧地皆荆棘白日梟羊披髮來
黃昏土伯逐人食先生藏書數萬卷戢戢牙籤分五色
一經兵燹總無存玉躡金題盡銷蝕空從畫裏認嫋嫋
三篋亡書誰補得鯢生對此亦煩憂東南羣盜何時休
憶自夷門謝使節三年住近齊雲樓獨學老人有故宅
尙餘花木宜春秋自埽閒軒坐且讀安於經訓窮搜求
至今飄泊在歧路名山舊業何時修經櫬書櫬半零落

江檻海櫟長漂流

余自中州罷歸流寓姑蘇賃石琢室先生故宅以居著羣經平議一書因

亂中止未知何日

昨見捷書來北闕

天戈直掃鼙鼙穴東南兵亂十年餘會見燧烟從此歇
先生它日還朝中復築書城高突兀自公退食坐花陰
依舊觀書眼如月走也閒身百無事索異搜奇到碑碣
倘許借觀未見書長願相從比蜚螭

崇地山侍郎

崇厚

延修天津府志偶成四律

故鄉煙樹杳無痕偶挈琴書此地存客籍聊堪充雁戶
史才何敢望龍門百年喬木憑誰問一席名山妄自尊
厯厯

四朝多盛事好從耆舊共尋論

舊志修于乾隆四年迄今又百餘年矣

丁字沽邊攬勝過豈惟美利擅熬波虎符重鎮今三輔

鳳輦親巡古九河雨過農疇磨礪碌

天津各屬潮來賈多有稻田

舶繫牂柯中興戰績從頭數第一津門聽凱歌

咸豐三年粵賊

北犯惟津人首挫其鋒

侍郎仗節鎮關津愛我纏綿誼最真爲念散才宜散地

故將閒事付閒人著書未定新經義載筆慙稱舊史臣

坐對青編翻自愧昔年斑管久生塵

願得寬閒一畝宮免教廡下歎飄蓬

時與侍郎言欲移家就局

功名

拌付毛錐子提舉聊充玉局翁雁爪偶然畱異地豬肝

未免累羣公楮先生史劉昭志續筆還愁總未工

余著羣經平議三十五卷其第十四卷專論考工
記世室重屋明堂制度乙丑之春津門有好事者
取以付梓漫題其後

子雲本是雕蟲士歲晚飄零自著書獨抱遺經聊復爾
求知異世竟何如忽逢好事詢奇字遂使傳鈔到小胥
一卷刻成三歎息幾年辛苦費居諸

曾聞先哲議明堂匠氏遺文未及詳訂正全經惟一字

余據隋書宇文愷傳訂正考工記

堂修二七爲堂修七制度遂定

房增益旁參漢五府規模上溯唐

昭代倘修宗祀禮芻蕘未敢獻巖廊

南旋

津沽小住已三年又駕飛輪海上船敢謂波濤仗忠信

祗愁兒女誤神仙

時二兒在吳下大病又因明良朋尚年將遣嫁大女故決計南返

訂重來約

謂地山侍郎

故里曾無半畝田空贖雪泥蹤迹在

滄浪亭畔倍淒然

余在吳舊寓金獅巷今已付劫灰矣

到金陵賦呈肅毅伯李少荃同年前輩

鴻章

昔年聲望冠西清此日森嚴細柳營天爲中興出名世人傳大勇屬儒生才兼將相空流輩手定東南荅聖明清史千秋誰伯仲遠近諸葛近文成

巍然五等列崇班功大何辭異數頒爵秩已超蒲穀上

旌麾更照梓桑間時署兩江總督金箱玉笈鈔三略紫電青霜

鎮百蠻兼領通商大臣儒雅英雄都占盡始知造物未曾慳

得向花飄步後塵雲泥雖隔總情親微名尙記前鄉貢

雅誼真同古大臣每念萍蹤詢細細每見甲辰同更憐

蕉夢嘆頻頻指余中事卽今懷袖書猶在三載深藏翰墨

新

十幅蒲帆卸石頭節堂情話更綢繆師門衣鉢惟公繼

謂曾蘇生師講舍皋比爲我畱轉惜書遙頻誤雁今年見寄南書未到

不嫌舟小久停騶至小舟見訪坐談良久而去此來得識荊州而真

覺榮逾萬戶侯

題琴覓圖爲劉笏堂太守

汝璆

杭州太守今龔黃秋風五馬臨錢唐爰有圖書藏縹囊
惜惜者何琴一張嶙嶙者何覓一筐觀者瞠目不能識
拜請太守言其詳太守于是涕泣自陳吾何懷哉懷
我二人二人不可作我以丹青傳其神其神不可傳我
以琴覓存其真惜惜者琴吾父之所鼓角巾野服坐
閒軒三尺焦桐時一撫至今山水有清音趙瑟秦箏何
足數嶙嶙者覓吾母之所食貧家作婦數十年甘隤
腥醲口不識至今敬拜影堂前顚顚慈容惟菜色太

守言未已湖州民俞樾揖而致詞四竟望公有如慈父
母吾公肫肫尙似孩提時方今

天子重循吏要使海內蘇瘡痍豈知循吏卽孝子如曰
不信觀于斯側聞太守善教士四鄉有課自公始遂
令伏案呻吟聲一州入縣同時起武城弦歌何足擬彼
特區區一邑耳烏乎琴之遺音有如此又聞君夫人
扶病親入厨五日一見花豬肉乃止一百九十有二銖
此外公膳何所需黃齋一杵飯一盂烏乎覓之遺味有
是夫

徐主講蘇州紫陽書院而孫琴西同年適亦主講

杭州之紫陽一時有庚戌兩紫陽之目戲作詩寄

琴西

廿年得失共名場

余舊有贈琴西詩云廿載名場同得失謂丁酉甲辰庚戌三次同年也

今日東南兩紫陽
亂後鬚眉都小異
狂來旗鼓尙相當
主盟壇坫誰牛耳
載酒江湖舊雁行
寄語執經諸弟子
莫爭門戶苦參商

移居紫陽書院作

舊游過眼總雲煙
又向吳中借一廛
韓愈偶成進學解
屈原聊賦卜居篇
高登壇坫雖非分
暫寄琴書亦是緣
輸與興公清福好
好山剛對講堂前

謂孫琴西

昔年曾此共壺觴三十年來半已忘忽向雪泥重問訊

劇憐泡影太恩忙

舊爲吳氏屋道光十七年曾飲于其室

烏衣零落門庭

換銅狄摩挲感慨長賸有當時舊賓客天畱老眼看興

亡

姚松田舅氏乃吳氏舊客今年已七十尚在吳中

朱伯華孝廉

福榮

戴子高茂才

望

至吳下訪余因

兩度歲憶咸豐十年與二子在德清度歲又六年

矣各贈以詩

朱雲自奇士眉宇故軒昂舊是爽鳩屬新歌鳴鹿章縱
橫論世事宛轉話家常竹箭東南秀衰門與有光

小戴擅經術身窮道自尊尙書通大義論語闡微言

高子

時著古文尙
書述論語注
脫略無邊幅
文章有本原
漢廷崇實學
終見起邱樊

憶昔清溪住相依有二賢而今客吳下又其度殘年欲
識雪泥迹姑畱翰墨緣蘇臺重訪舊莫忘此詩篇

丙寅春寄呈祁春圃相國

新聞引疾去三公綠野優游望更崇老輩典型當代少
大儒出處古人同

四朝黃髮稱賢相一卷丹書繫

聖衷他日甘般懷舊學行看執醬在蒿宮

巢痕久掃鳳池西十載風塵厭鼓鼙蛇蚓歛斜愁疥壁

公得拙書裝礪蟲魚瑱屑悔災黎公得余所刻羣白惟
戒州縣之齋壁經平議其賞之吾道今消歇敢向時流問品題海內起衰誰鉅手門牆
猶幸傍昌黎

荔枝

久聞嘉果出南荒今日吳中始一嘗

郭遠堂中丞以十五枚見贈少

室玉膏輸潔白嶸山甜雪遜芬芳團圓入手同萍實汨

汨生津異蔗漿莫怪色香都未變雙輪三日走重洋自

中附火輪船至上海不過三四日
耳視昔人紅塵一騎更疾速也

客言二首

羣盜起中原萬騎走平衍奔騰若怒濤飄忽如飛電脫

兔不可當逐鹿誰能先 本朝重騎射家法今未變要
止與齊驅勝算何由擅茫茫皖豫間空費驅蹏蹏有客
爲我言莫如用車戰前挽後則推進易退亦便重革禦
鋒鏑隻輪利旋轉其上設火器其下施弩箭耳目寄旗
鼓糗糧置囊帑環列卽爲營徐行卽爲殿畫作猛獸形
并使戎馬眩以此制敵騎或足當一面彼馬我則車何
必鬪勒鞬

西人善製器火器尤其工奇巧奪般爾炎威借祝融我
聞佛郎機前代已見崇 本朝定天下頗亦資其功乃
自西人出巧力俱已窮卽能師其意未足爭其雄有客

爲我言莫如川水攻搏躍可過顙視火尤洶洶安得制
奇器激水行於空或盛革爲囊或截竹爲筒或粗若牛
腰或曲如鳥喙要使行陣間若御千神龍非濤而澎湃
非雨而冥濛雖有霹靂車過此應籠東彼火我則水何
必爭熾熾

題喬忠烈公畫像後

喬忠烈公名一琦字白圭上海人事迹見明史其友
丁自邇曾從公于遼左歸而公死難自恨不得如南
雷輩與睢陽始終因手繪此像其後有董思翁跋楊
忠烈公漣贛今藏上海諸生徐順之豫家徐又得公

尺牘數紙名印一方卽附後焉余至上海因出以乞

詩詩曰

王旅興遼陽螳臂誰能當劉杜諸宿將一戰同時亡喬

公自奇士慷慨臨戎行全軍旣猿鶴與國俄參商

謂朝鮮

捐軀滴水厓歸葬惟冠裳江南有老友血淚可盈斗尺

素寫英姿歲時奠以酒方其下筆時慘淡經營久圖成

公復生真氣驚戶牖可使懦頑立可使魑魅走至今二

百年遺像猶儼然戎容何暨暨殺氣生雙顴固宜敵萬

夫辟易無能前又有公名印屈曲芝泥鮮又有公尺牘

筆勢紛連翩我來幸覩此再拜乃敢視其前思翁跋娟

娟秀而美其後楊公贊腕力直透紙願君寶此圖以示
後君子貂蟬而狶奔印楊公贊中語對此愧欲死

尹節母黃孺人紡車圖爲其孫久叔懿惠題

四十餘年一紡車更無心緒事鉛華老來自向兒曹說
歲歲車前紡杜花

回憶貧家作婦時艱難門戶費支持課兒未忍將機斷
寸寸都成續命絲

一粟孤燈黯不明紡車聲和讀書聲蟾宮他日科名記
都是當年手織成

至杭州與王補帆廉訪同游西湖舟中口占

清游又上總宜船自別西湖十六年不獨鬚眉吾老大
湖山亦似老于前

史忠正公祠墓圖爲其裔孫題

高塚梅花嶺行人再拜過荒阡重瀝掃生氣未消磨遺
像清高甚家書涕淚多龔錢諸大老對此竟如何

南渡艱難日倉皇詔督師二陵半榛莽

公集有祭二陵畢上疏一篇

四鎮各旌麾慷慨復讐議淒涼絕命詞龍髯攀未逮白
恨一年遲

每讀公遺集當年事可嗟朝廷危似幕門戶亂如麻
宰相春燈艷君王暮氣加維揚城畔路辛苦建高牙

聖代旌忠興褒揚孰與儒道書搜故府浮議掃千秋突
兀崇祠在淋漓

御墨附乾坤有正氣長爲護松楸

錢唐鄒蓉閣

在衡

哀次其家庚申辛酉閒死于王

事及婦女殉難者各爲歌詩以張之因題其後
粵氛流海內末劫在錢唐遂使衣冠族同時賦國殤
詔書褒節義廟貌薦蒸嘗之子悲家難中宵淚滿裳
淒涼陳舊德援筆不勝悲一卷忠臣錄千秋家廟碑楹
書同護惜壺史附昭垂從此清門澤流傳永不衰

丁卯五月至金陵謁湘鄉師相賦呈四律

武達文通孰與倫十年威望滿乾坤汾陽身繫安危重

潞國官兼將相尊萬里東南雙虎節

兼謂介弟沅浦中丞

兩江上

下一龍門不才自是閒桃李慚媿春風舊託根

回憶端門覆試時玉階釧砌晝遲遲姓名謬許羣仙冠

文字曾叨一日知擊節樂天原草句沈吟小宋落花詩

至今春色終何在未免頽顏對絳帷

余庚戌覆試公爲閱卷大臣因詩有

花落春仍在句期許甚殷

閉戶研經春復秋心香一瓣奉高郵誰知沆瀣原同氣

從此名山或幸留

余治經宗高郵王氏之學適與公合

侯制更張躬與舌

明堂考定廣兼修

余考定射侯及明堂制尤爲公所賞

重煩記室諸君筆

幾度拈來幾度投

公得余書命記室作覆屢呈稿不稱意遂不發

門牆此日又追陪不負長途觸熱來高會西園成雅集

大開東閣閱奇才

公招集金陵諸名室中楊爲留賓下

海上船因送客催

公因余急于言歸勸自愧迂疏無可

報小詩聊足侑尊罍

李雨亭方伯王曉蓮龐省三兩觀察招陪湘鄉師

游妙相庵並登鼓樓

南朝四百寺滅沒不可見惟餘妙相庵歸若靈光殿相
候發高興先期命張宴旖旎羅旌旄蹀躞走僚掾賤子
備後車冠服隨所便是時天新霽陰晴日數變旣免炎

歎燕不辭游覽徧泉流廣半畝石徑窄一綫老槐何離
奇新荷自婉孌虛堂宜小坐饒閑足流眄北望有高樓
游興固未倦

酒罷共命駕命駕登高樓一層甫及上萬象俄已收努
力更躋攀空闊窮雙眸金陵名勝地天下無其儔自從
離亂來所在成荒邱十廟不存一古思空悠悠可憐秦
淮水不復聞清謳且喜甘雨足良苗滿田疇旣值中興
年復逢大有秋相侯此建節百廢行且修秋風儻再至
安坐涼蓬舟

時涼蓬子船久廢
湘鄉師擬復之

錢子密吏部

應溥

以其先文端公之圖索題各書

一絕句

自昔名臣多舛訓最難

聖主鑒勤劬一經

御筆兩題後不數機聲鐙影圖

右夜紡授經

雞鳴盥漱肅威儀正是銀臺入直時想見承平舊家法
至今尹吉有餘思

右直廬問寢

登太平門樓觀曾沉浦中丞從龍脖子地道攻克
金陵處并讀湘鄉相公紀功碑

我登金陵東北之城樓其城雉堞猶新修城陰立石刻
文字誰與銘者相國毅勇侯文曰同治三年六月月既

望穴地攻城城裂廿餘丈浙江巡撫臣荃鼓士從此上

嗚呼賊窟于此盈十年窮天下力僅克焉今觀缺口心

惻惻當時用力何其艱賊營高壘鍾山巔天保地保相

鉤連

天保地保皆賊壘名

我軍百戰據有此然後可得窺城堦下

令積草與城等以計誑賊賊不省若將蟻附此登城誰

料掘地深深幾及井一朝燦發煙滿城天日無色萬目

盲須臾煙散何所見但見萬夫如蟻山頭行俄展旌旗

四面下一片軍聲動屋瓦殺氣森森飛上天化作黑雲

如奔馬向張老死無成功九帥此舉真英雄

沅浦中丞行九人稱

帥我從趙子詢大略

自天保地保以下皆趙中興戰績

惠甫說趙曾親在行間

誰與同請看城外突兀龍脖子再看城中荒廢天王宮
奉陪洲鄉相公元武湖觀荷花

元武湖中麟趾洲藕花無數滿中流相侯旌節湖邊駐
來試瓜皮一葉舟

一葉舟容三兩人一篙容易點湖濱藕花成國香成海
仙到應迷是此津

田田荷葉比人長隨手攀來手亦香鋪作綠茵張作蓋
一身無處不清涼

青青蓮葯滿船邊隨摘隨嘗味更鮮自笑生無食肉相
故應飽喫後湖蓮

太平門外上輕舟神策門邊蘆荻稠花裏鑿行將十里

一生有幾此清游

是日出太平門進神策門

七洲風景看分明惜少臨流屋數楹倘置蓮花新博士

江湖莫忘老門生

相公擬于洲上築屋

贈彭麗崧

生甫

孝廉

彭孝廉乃陶文毅公之婿也文毅撫吳時孝廉爲贅

壻後遷兩江總督復從之金陵陶沒遂不復來至今

垂三十年矣湘鄉相公其老友也因訪相公復來白

下余適客節署遂同晨夕俱坐威林密輪船至滬上

共寓南園已又于吳門相聚杯酒論文頗有忘年之

雅于其川也不能無詩輒以長歌詒之

老彭六十鬚眉白還向江南作遊客江南離亂十年餘
更其何人訪疇昔疇昔陶公此建牙迢迢迎到壁人車
秋高鍾阜工延月春早隨園飽看花三十年來如飛電
人間何事堪畱戀已抱山邱華屋悲更驚城郭人民變
鐵馬金戈長板橋兔葵燕麥芳林苑湘鄉相國鎮金陵
厯盡艱難始中興天寶遺民仍矍鑠華胥舊夢已曹騰
積垢一片天王府云是從前棲鳳處偽天王府卽舊此
時兩江總督署
日青燐化夜光當年紅豆調鸚鵡蕭郎白髮再經過那
禁風前淚如雨此外荒涼總不堪怕將舊事問何戡清

歌無復秦淮水雅集惟宜妙相庵走也節堂同小住相逢傾蓋渾如故海舶經宵臥對牀園林幾日游連步每因縱論到詩文更與窮經事箋注耄猶好學似君稀平議粗疏何足數

時以拙著羣經平議相贈

吳門杯酒送登舟垂老難

將後約畱但願老彭長不老卅年再作江南游

今秋月色頗佳連夕人定後與內子起步中庭時復小飲率爾有作

良宵不成寐與子步庭阿人定蛩吟起廊空月色多從前好風景強半悔蹉跎此夕一樽酒浮生能幾何

戊辰歲余自蘇州紫陽書院移主杭州詒經精舍

開課之日偶成二律

頻年蹤跡寄蘇臺此日西泠講舍開
文字有緣宜領取
琴書無恙又移來
隨常粥飯完清俸
大好湖山養散材
壇坫森嚴前輩在
不才何幸得追陪

前輩謂王蘭泉孫
淵如兩先生者曾

主講
于此

湖隄精舍靜無譁
虛擁皋比望轉奢
六藝微言先詒訓
百年著述盛乾嘉
舊畚課穫功難俸
盤飧求工意或差
願與諸生同敏勉
莫拋秋實事春華

曾滌生師相過訪吳下寓廬賦呈一律

纔卜蝸居半畝寬

時新移寓
大倉口

幸邀元老此盤桓
書生門

第材官笑使相威儀婦孺看戶外飛揚駐旌旆坐中脫
略到衣冠明朝一棹從公去尙有江湖舊釣竿時招同作五湖

奉陪滌生師相登天平山

小隊籃輿駐道邊仰看山徑細盤旋何人曾躡二分足
此地纔容一綫天芒屨去尋青嶂路茶甌來試白雲泉
相公高興誰能及布襪青鞋到極巔山路盤曲而上曰綫天有僧廬三
曰上白雲中白雲下白雲余與丁禹生中丞潘玉泉許
緣伸兩觀察至中白雲而止師相則直至上白雲也
次日又從師相登香山而望太湖

開介無蹊草滿山偶隨元老此躋攀全收笠澤五湖勝

遙指孤城一髮閒
喜共清游謝冠蓋
冀分餘曜照鄉關
煙波西塞山邊路
安得相從更往還

丁禹生撫部與余言
湘鄉相公嘗言俞蔭甫
眞讀書人
丁禹生眞作官人
余因憶去年見公金陵
公嘗言李少荃拌命作官
俞蔭甫拌命著書
余何人斯而公輒與中興名臣相提並論
雖非所克當然未始不自喜也
乃以小詩紀之

開府經綸滿江左
元戎勲業動乾坤
如何老學庵中客
雛鷄雲鵬一例論

重九前三日至詣經精舍作時與內子同寓精舍

之第一樓

浮家隨處好於此且句留風雨重陽節湖山第一樓曉
鐘聽梵刹夜火認漁舟莫笑荒涼甚相依有鷺鷥

與內子至冷泉亭小坐

平生耽冷趣不喜熱場踏愛此人境隔坐對山嵐市舄
下泉瀏瀏襟邊風颯颯仰眺雲氣迷俯語水聲答老妻
亦解遊清興適與合久坐不忍去暮鐘吼懽懽

飛來峯有洞曰一綫天山隙露天光一綫內子窺
之於光中見佛像焉從遊者亦各有見獨余不見
其無佛緣歟抑目力之不及歟姑以詩記之待來

年再遊

石鯀天光一綫通
紺眉藕髮見玲瓏
須知妙相莊嚴甚
卽在靈臺方寸中
芥子須彌隨處足
菩提明鏡本來空
自慙俗眼窺難得
要借金鑿刮兩瞳

卷在堂詩編六